

Toovlášmuštolaavâ uđâsmittem

Toovlášmuštolaavâ olesuđâsmittem lii algâttum skammâmáánust 2020. Uđâsmittem valmâštâleh ministeriö asâtem pargojuávkku já čuávumjuávkku. Pargojuávhu iävtuttâs valmâštâlloo haldâttâs iävtuttâs háámán já ton meriäigi ive 2021 loopâ räi.

Toovlášmuštolaavâst (295/1963) asâttuvvoo pisovij toovlášpasâttâsâi, luovâs toovláštingâi já tamppâkávnušij suojjâlmist, tutkâmist já toid lohtâseiŋee monâttâlmijn. Toovlášpasâttâsâi rávhuiduttem kocá Museovirgádâh, mii tuáimá meid lopevirgeomâhâžžân toovlášpasâttâsâi tutkâmân já toi kuuskâmân kyeskee aašijn. Museovirgádâh lii toimâvâldâlâš virgeomâhâš meid luovâs toovláštingáid já tamppâkávnušâid lohtâseiŋee aašijn.

Uđâsmittem ulmeh

Laahâ lii lamaš masa tagarin vyeimist paijeel 50 ihheed. Muttum toimâpirrâs tiet lii tárbu uđâsmittiđ toovlášpasâttâslaavâ ollásávt. Uđâsmittem ohtâvuodâst kalga árvuštállâđ já miäruštállâđ toovlášmuštói suojjâlmân, tutkâmân já tiäđufinniimân lohtâseiŋee uulmijd. Pisováid toovlášpasâttâsâid, luovâs toovláštingáid sehe eres arkeologâlii kulttuuráarbán lohtâseiŋee miäruštâlmijd já toi riehtivaikuttâsâid kalga čielgâsmittiđ. Ovtâstumsoojijd eres lahâasâtmân kalga árvuštállâđ ubâlâšvuottân uđđâsist. Laavâ olášutmân lohtâseiŋee monâttâlmijd já virgeomâhái pargojuávu kalga finniđ ääigi táásán já asâttiđ tain tááláast tärkkilubboht. Toos lasseen uđâsmitmist kalga väldid huámmášumán sämmilij kielân já kulttuurân kyeskee jiešhaldâšem olášume sehe sämmilij vuoigâdvuodâid algâalmugin. Ääšist ráhtoo sierânâšcielgiittâs.

Uđâsmittem valmâštállâm já olášuttem

Toovlášmuštolaavâ uđâsmittem valmâštâlloo máttááttâs- já kulttuurministeriö asâtem pargojuávhust já čuávumjuávhust. Iävtuttâs uđđâ laahân ráhtoo haldâttâs iävtuttâs háámán.

Pargojuávhu já čuávumjuávhu iävtuttâs meriäigi lii ive 2021 loopâst. Iävtuttâs vuolgâttuvvoo ton maŋa ciälkkámušrieggei. Taan maŋa haldâttâs iävtuttâs hámmejuvvoo loopân máttááttâs- já kulttuurministeriöst ive 2022 ääigi staatâräädi kiedâvuššâm várás adelemnáál ovdâskoodán.

Tiedettem já haavâ čuávum

Ulmen lii, ete uđâsmittem valmâštállâm tábâhtuvá vuáruvaikuttâsâst sierâ čonâsjuávhuiguin já äššitobdeiguin já finnimnáál lii äigitääsist orroo tiätu valmâštállâm ovdânmist. Máttááttâs- já kulttuurministeriö uárnee lahâuđâsmitmân kyeskee kuullâmtilâlâšvuodâ vyesimáánu loopâst. Tilâlâšvuodâ täärhib äigimuddoost já siskáldâsâst almottuvvoo maŋeláá.

Taan siijdon norroo tiätu meid eres valmâštâlmân lohtâseijee tilálâšvuodâin já iävtuttâsâin.

4. – 5.2.2021

Keesi kieddipargoi oovdânpyehetimpeeivih já Arkeologia puđâldâsteivâm

[HYPERLINKKI:](#)

13. – 14.4.2021

KURVI – kulttuurpirrâs virgeomâhâsteivâm

vyesimáánu 2021

Máttááttâs- já kulttuurministeriö kuullâmtilálâšvuotâ

29.- 30.9.2021

Kulttuurpirâspeeivih

Valmâštâlmân lohtâseijee hahâtiäđuh já äššikirjeh kávnovej taan hankeikkunast.

<https://minedu.fi/hanke?tunnus=OKM064:00/2020>

Tiäđáttâsah

Toovlášmuštolaahâ uđâsmitto

11.11.2020

HYPERLINKKI <https://minedu.fi/-/muinaismuistolakia-uudistetaan>